



中電一心為基層 燃料費資助為長者生活添色彩

獨居婆婆趙鳳屏生活簡樸，間時落樓下公園做散步、去街市買鏹之外就無乜娛樂。而患有「三高」嘅鳳屏又要經常睇醫生覆診，除咗公屋租金，醫療費亦佔咗佢生活好大部份嘅開支。扣除長者生活津貼等補貼，每月嘅錢已經所餘無幾。

鳳屏係屋邨大堂偶然睇到中電燃料費資助計劃海報，於是參加由香港社區網絡機構舉辦嘅簡介活動，最後成功申請領取一筆過\$600燃料費資助。鳳屏表示，\$600對於好似自己呢啲老人家嚟講相當重要，笑稱自己會將呢筆錢擺落豬仔錢罌儲起當生活基金。

樸素嘅佢平時為咗慳錢只會留係屋企食飯；有咗呢筆資助後，鳳屏多咗同朋友一齊聚餐聯誼嘅機會，趁機享受呢個世界嘅美好。

中電今年繼續推出多項社區支援計劃，其中燃料費資助已經改名為「中電基層家庭電費補助計劃」，遲啲會進一步公佈有關詳情，大家記得留意喇！

少少碳+生活挑戰+ 趣談減碳小知識 電器都有得共享？



香港有能源標籤計劃鼓勵市民節能，其他國家城市嘅節能減碳政策你哋又知唔知呢？各地城市為咗緩和氣候變化簡直係「各出奇招」，今日同大家介紹吓有咩創意措施啦～

共享單車就聽得多，原來電器都可以共享？比利時政府同電器商推出「電器共享」計劃，為低收入民眾提供租借節能電器，而且仲有保養維修服務，幫助佢哋減少電費支出。

其實香港都有舊衣回收、綠在區區等等呢啲環保減碳項目，而我哋嘅「CLP Eco Living中電智能好生活」Facebook專頁亦有定期介紹有關低碳、環保嘅貼士㗎！專頁最近仲發起『少少「碳」生活挑戰』活動，每期除咗分享減碳知識之餘，仲有挑戰畀大家玩！

呢個活動開始咗無耐，已經有好多讀者參加咗，仲成功贏到精美獎品㗎，你哋都一齊玩啦！

洗衫前一個小動作 慳水慳電又錫住靚衫



以為用高溫模式就可以洗乾淨晒啲衫？少年你太年輕了，其實高溫模式洗衫好嘅電，亦絕對唔係愈高溫愈洗得乾淨。想洗得乾淨又慳水電，最重要就係識得根據衣物布料同污糟嘅程度分類，然後就選擇合適嘅洗衫模式！

洗衫模式	適合衣物	好處
需時30至45分鐘 嘅快洗模式	薄身衫同 唔太污糟嘅衫	減少洗衫同脫水次數， 啱晒用嚟洗薄身同 少污漬嘅衣物。
洗衣機標準模式 (通常指快速旋轉 設定)	厚身衫同污糟衫、 質料硬嘅布料	建議配合30度水溫洗衫； 一年可以慳返4成洗衣 耗電。 如果擔心殺滅唔到細菌， 可選擇加入衣物消毒劑。
先手洗，用清潔 劑處理頑固 污跡後先機洗	有油污同汗味嘅衣物	衣物有油污，先用熱水 浸15分鐘後用手搓， 再放入洗衣機洗。 如果衣物有汗味，最好 用梳打粉浸再機洗。

屋企有咗「抽水王」 回南天洗乜驚！



一到回南天，屋企牆身、地板濕漉漉！呢個時候，抽濕機正好大派用場，幫屋企回復乾爽。究竟點揀最啱自己嘅抽濕機？

準則一：你的屋企面積如何，你的抽濕機容量也必如何

可以根據空間面積同濕度建議，揀適合嘅抽濕機容量。如果唔想成日倒水，可以揀個水箱容量大嘅抽濕機～

相對濕度	相對家居 / 水箱大小		
	300呎以下	300-500呎	500呎或以上
50%-70%	14公升或以下	19-21公升	28公升或以上
70%-80%	14-18公升	24公升	33公升或以上
80%以上	14-18公升	24-28公升	42公升或以上

準則二：留意能源標籤

貼有一級能源效益標籤嘅抽濕機係最慳電、比起三級能源效益標籤慳電高逾兩成，記得要留意呀！

準則三：抽濕以外功能？

除咗基本抽濕功能，部分抽濕機設有自動濕度控制、甚至有乾衣、乾鞋或空氣淨化功能，可以一機兩用，慳錢又慳位。

中電網購平台度賞Domeo售賣嘅抽濕機，大部分均為1級或2級能源效益標籤之型號，佢哋最近仲做緊優惠，快啲去睇吓有咩款式啦！

網絡安全貼士分享 一文教你慎防網絡詐騙



Q 我最近收到自稱中電寄黎嘅短訊提供要求戶口密碼，好擔心係網絡詐騙或者資料外洩～應該點提防？

A 中電有以下網絡安全貼士畀大家，緊記提高警惕避免資料外洩，令騙徒有機可乘。

- 避免向陌生人或網站提供個人資料如信用卡號碼、登入憑證或密碼等。
- 避免下載或打開任何可疑電郵附件或網站。
- 「世界無免費午餐」！千祈唔好輕易相信任何人提供嘅豐厚著數。
- 留意發送人嘅電郵地址或手機號碼，與其報稱代表嘅機構聯絡資料是否一致。